

9. august 2013

UKA 2013/26

Inatsisartut Suleriaasianni § 36 innersuussutigalugu apeqquteqaat allaavigalugu Inatsisartuni oqallisissiamik siunnersuut imaattoq saqqummiuppara:

Nunatsinni aalisarnermi aningaasarsiornerusinnaaneq siunertaralugu annertunerusumik tunisassiorsinnaaneq eqqarsaatigalugu imaani aalisakkanut suliffissualiisinnaanerup iluaqutigisinnaasai ajoqutigisinnaasaalu qulaajarnissaat siunertaralugu oqallinnissamik siunnersuut.

(Inatsisartunut ilaasortaq Jens Immanuelson, Siumut)

Tunnngavilersuut:

Nunatinni aalisarnikkut periarfissat atorluarneqarnissaat siunertaralugu oqallinnissamik siunersuuteqarpunga inuiaqatigiinni aalisarnermik annermik inuussutissarsiuteqarfiusumi isumaqarama periarfissat tamakkerlutik atorluarneqangitsut aningaasarsiornermik atorluarneqarnikkut siunertaraluni suliffeqarfiit periarfissinnerullungit aaqquusisooqarsinnaanera oqallinnissamik siunnersuuteqarnikkut ersarissinnaallugu periarfissallu ersarinnerulerpata soqutiginninneq annertunerulissasoq tunisassiornerusinnaaneq anguneqarsinnaasoq aamma isumaqarlunga.

Nunatsinni aalisarnikkut ingerlatsinermi nunami suliffisuit, pingaartumik nunatta avannaani, tunisassiassat ataasiinnaanerusat tunisassiarat naak aalisakkat allat qaleruallilu atorluarneqarnerusinnaagaluartut.

Naatsorsueqqissaartarfiup kisitsisaatai malillugit saarullit tunisat 2011-mi 11.000 tonsit missaaniit 2012-imi 10.150 tonsit missaanut apparput.

Aalisaqatigiiaat pillugit ICES-imit ilisimatuussutsikkut 2014-imut siunnersuineri Kitaani sinerissap qanittuani saarullit 12.063 tonsit pisarineqarsinnaasut innersuussutigineqarput, 2013-imut siunnersuineri sanilliullugu 4.063 tonsinik ilaneqarlutik.

Kisitsisit takutippaat soorlu saarullit eqqarsaatigalugit atorluarneqarnissamut tunnngavissaqartoq.

Assersuutigalungu avannaani aalisarnermi qaleralik qitiuvoq suliffissuarnillu ingerlatsisut qaleralik aallaaviginerullugu soqutigisaqarnerat aalisakkanik allanik aningaasarsiornerusinnaaneq mattusimatitsivoq assersuutigalugu saarullit qeeqqat imaluuniit qaleruallit, tamatumani saattussat eqqarsaatigalugit. Qaleralittassat nungutsillugit allanik aalisarnissamut periarfissaqarpiannilaq uffa massa tamatigoornerusumik imaani aalisakkanik sulliffisuit atorluarneqartuuppata aalisartut ataasisakkaat aningaasarsiornermik ataavarnerusumik ingerlasinnaagaluaat. Taamaatoqartillugu nunap immikkortuani niuernerq eqqugaasarpoq, aalisartut soorunalimi aamma akilersugassaqaramik, allatut oqaatigalungu nunatsinni innuttaasut tamarmik aningaasarsiornermik unittoorneq malugisarpaat.

Inuiaqatigiit pisuussutitsinnik atorluaneq ingerlatissagutsigu imaani pisuussutivut atorluanngisavut tamatigoornerusumik atorluarneqarsariaqarpavut taamaaliornikkullu unammilleqatigiinneq annertunerusoq aqquutissiuullugu.

Qaleruallit eqqarsaatigalugit saattussat ukiualuit matuma siornatigut avannaani misiligarneqarput paasineqarlunilu piujuaannartitsineq innarlernagu aalisarneqarsinnaasut. Kisianni suliffisuit avannaani ingerlatsisut saattussat soqutigisimangilaat tunisassiarissallugit naak aalisartut anigaasarpasuit atorlugit ilaatigut atortuminnik piorsaasimagaluartut misiligaanermi peqataaniarlutik.

Taamaattumik nunatsinni pisuussutinik atorluaanerunissaq siunertaralugu imaani aalisakkanik sulliffissuarnik pilersitsisinnaaneq aqutissiuunnerusariaqalerparput taamaliornikkummi aalisakkanik allanik tunisassiorsinnaaneq aqutissiuutissagatsigu.

Taamatut oqallinnissamik siunnersuuteqarlunga neriutigaara oqalinneq ingerlariaqqiffissanik tikkuussiaartoq.